

玉楸藥解卷二



昌邑黃元御坤載著

木部

降香 味辛微温。入足太陰脾。手少陰心經。療挺刀傷損。治

癰疽腫痛。降香辛温芳烈。燒之辟疫癘之氣。惟癰疽之病

與夫跌打金瘡。皮破血漏。筋斷骨傷。皆療上品也。

丁香 味辛微温。入足太陰脾。足陽明胃經。温燥脾胃。驅逐

脹滿。治心腹疼痛。除腰腿濕寒。最止嘔噦。善回滑瀉。殺蟲解

蠱。化塊磨堅。起丈夫陽弱。愈女子陰冷。丁香辛烈温燥。驅

五... 降香 丁香 木香 白檀香

000416

寒泄濕煖中扶土降逆升陷善治反胃腸滑寒結腹痛之症
用母丁香雄者爲雞舌香上上之品。

木香 味辛微溫入足太陰脾足陽明胃經止嘔吐泄利平

積聚癥瘕安胎保妊消脹止痛木香辛燥之性破滯攻堅
是其所長庸工以治肝家之病則不通矣所以風木司氣凡
病皆燥最不相宜 麩煨實大腸生磨消腫病。

白檀香 味辛微溫入足陽明胃足太陰脾手太陰肺經治

心腹疼痛消癥疝凝結 白檀香辛溫疏利破鬱消滿亦治

吐脹泄利之症磨塗面上黑痣 紫檀香破瘀消腫止金瘡

血漏並煎飲磨塗最良。

烏藥 味辛氣溫。入足陽明胃。足太陰脾。手太陰肺經。破瘀泄滿。止痛消脹。烏藥辛散走泄。治痛滿吐利。脹腫喘息寒疝衝突脚氣升逆之症。但不宜虛家庸工以之治虛滿之病。非良法也。

檳榔 味苦辛。瀉氣溫。入足太陰脾。足陽明胃經。降濁下氣。破鬱消滿。化水穀之陳宿。行痰飲之停留。治心腹痛楚。療山水瘴癘。檳榔辛溫。下氣破滯。磨堅行痰。敗陳宿之氣。亦有用之良材。若氣虛作滿。則損正益邪。不能奏效矣。

大腹子

味辛苦。瀉氣。溫。入足太陰脾。足陽明胃經。下氣寬

胸。行鬱散濁。

大腹子卽檳榔之別產。而大腹者。性既相同。

效亦不殊。大腹皮專治皮膚腫脹。亦甚不宜。虛家腫脹。有根本。皮膚是腫脹之處所。非腫脹之根本也。庸工不知根本。但於皮膚求之。非徒無益。而又害之。

阿魏

味辛。氣臭。入足太陰脾。足厥陰肝經。避瘟禦瘴。破積

消癥。

阿魏辛烈臭惡。化血積。血癥。固瘕。癩疔。殺小蟲。消瘧。

母辟溫疫瘴癘之災。解蘑菇牛馬之毒。阿魏生西域崑崙。是木汁堅凝成冰。松脂瀆膠。臭惡異常。炒研入磁碗。崩損成片。

而下。其剋伐剝蝕之力。無堅不破。化癥磨癥。此爲第一。但可入膏藥敷貼。不宜湯丸服餌也。炒焦研細。

蘇木 味辛鹹氣平。入足厥陰肝經。調經行血。破瘀止痛。

蘇木善行瘀血。凡胎產癥瘕瘡瘍跌打一切瘀血皆效。

血竭 味鹹氣平。入足厥陰肝經。破瘀行血。止痛續傷。血

竭破瘀血癥瘕積塊。跌打停瘀皆良。亦止鼻衄便血。並治惡

瘡疥癬

乳香 味辛微溫。入足厥陰肝經。活血舒筋。消腫止痛。乳

香活血行瘀。治心腹疼痛。消癰疽結腫。散風癩瘙癢。平跌打

潰爛。止口眼喎斜。舒筋脈。攣縮。炒乾研用。

沒藥 味苦氣平。入足厥陰肝經。破血止痛。消腫生肌。沒

藥破血行瘀。化老血宿癥。癰疽痔漏。金瘡杖瘡。跌打損傷。一切血瘀腫痛。療經期產後心腹疼痛。諸症製同乳香。

棕櫚毛 味苦澁氣平。入足厥陰肝經。收斂失血。固澁陽滑

棕櫚毛。收澁之性。最能止血。凡九竅流溢。及金瘡跌打諸血。皆止。燒灰存性用。上品也。

蕪荑 味辛氣平。入足厥陰肝經。殺蟲破積。止痢消瘡。蕪

荑殺藏府諸蟲。磨氣積血癥。治痔瘻疥癰。一切諸瘡。止寒冷

痢。

蘆薈

味苦性寒。入足厥陰肝經。殺蟲消痔。退熱除疳。蘆

薈清熱殺蟲。治痔瘻疥癬。亦名象膽。

肉桂

味甘辛。氣香性溫。入足厥陰肝經。溫肝煖血。破瘀消

癥。逐腰腿濕寒。驅腹脇疼痛。

肝屬木而藏血。血秉木氣其

性溫煖。溫氣上升。陽和舒布。積而成熱。則化心火。木之溫者。陽之半升。火之熱者。陽之全浮也。人知氣之爲陽。而不知其實含陰精。知血之爲陰。而不知其實抱陽氣。血中之溫化火。爲熱之源也。溫氣充足。則陽旺。而人康。溫氣衰弱。則陰盛。而

人病。陽復則生。陰勝則死。生之與死。美惡不同。陽之與陰。貴賤自殊。蠢飛蠕動。尚知死生之美惡。下士庸工。不解陰陽之貴賤。千古禍源。積成於貴。陰賤陽之家矣。欲求長生。必扶陽氣。扶陽之法。當於氣血之中。培其根本。陽根微弱。方胎水木之中。止有不足。萬無有餘。世無溫氣太旺而生病者。其肝家病熱。緣生意不足。溫氣抑鬱而生風燥。非陽旺而陰虛也。

肉桂溫煖。條暢大補血中溫氣。香甘入土。辛甘入木。辛香之氣。善行滯結。是以最解肝脾之鬱。金之味辛。木之味酸。者金木之鬱。肺肝之病也。蓋金之性收。木之性散。金曰從革。從則

收而革不收。於是作辛。木曰曲直。直則散。而曲不散。於是作酸。辛則肺病。酸則肝病。以其鬱也。故肺宜酸收。而肝宜辛散。肺得酸收。則革者從降。而辛味收。肝得辛散。則曲者宜升。而酸味散矣。事有相反而相成者。此類是也。肝脾發舒。溫氣升。達而化陽神。陽神司令。陰邪無權。卻病延年之道。不外乎此。凡經絡壅瘀。藏府癥結。關節閉塞。心腹疼痛等症。無非溫氣微弱。血分寒洩之故。以至上下脫泄。九竅不守。紫黑成塊。腐敗不鮮者。皆其症也。女子月期產後。種種諸病。總不出此。悉用肉桂。餘藥不能。肉桂本係樹皮。亦主走表。但重厚內行所

走者表中之裡。究其力量所至。直達藏府。與桂枝專走經絡者不同。

杜仲 味辛氣平。入足厥陰肝經。榮筋壯骨。健膝強腰。 杜

仲去關節濕淫。治腰膝酸痛。腿足拘攣。益肝腎。養筋骨。

五加皮 味辛微溫。入足厥陰肝經。逐濕開痺。起痿伸攣。

五加皮通關泄濕。壯骨強筋。治腰痛膝軟。足痿筋拘。男子陽

痿囊濕。女子陰蝕。下部諸症。

蔓荊子 味苦微溫。入足厥陰肝經。泄風濕。清頭目。 蔓荊

子發散風溼。治麻痺拘攣。眼腫頭痛之症。頭目疼痛。乃膽胃

逆升濁氣上壅所致庸工以爲頭風而用荊子發散之藥不通極矣諸家本草皆出下士之手此等妄言不可勝數。

密蒙花 味甘微寒入足厥陰肝經清肺潤燥明目去翳。

蒙花清肝明目治紅腫翳障庸工習用不效也治病不求其本不解眼病根源浪用一切清涼發散之藥百治不得一效此庸工之所以庸也。

大楓子 味苦微熱入足厥陰肝經搽疥癩塗楊梅。大楓

子辛熱發散治風癬疥癩楊梅之症取油塗抹研爛瓶收湯煮密封煎膏名大楓子油。

槐實 味苦性寒。入足厥陰肝經。涼血清風。潤腸消痔。槐

實苦寒。清肝家風熱。治痔瘻腫痛。陰瘡濕癢。明目止淚。清心
除煩。墜胎催生。烏鬚黑髮。口齒熱痛。頭目暈眩。寒泄大腸。潤
燥開結。

棟子 味苦性寒。入足厥陰肝經。泄火除狂。利水止痛。苦

棟子清肝泄熱。利水殺蟲。治瘟疫傷寒。煩燥狂亂。止腹痛。瀉
癰癩病。痔瘻大便下血。亦名金鈴子。上品也。

竹瀝 味甘性寒。入手太陰肺經。清肺行痰。竹瀝甘寒。疏

利。清胸膈煩渴。開痰涎膏粘。治中風心肺鬱熱。孔竅迷塞之

症鮮竹去節。火烘瀝下。磁器接之。其性雖寒。不至滑泄腸胃。清上之藥。最爲佳品。

荆瀝 味甘氣平。入手太陰肺經。化痰泄熱。止渴清風。荆瀝化痰驅風。治頭目暈眩。中風不語。熱宜竹瀝。寒宜荆瀝。

榆白皮 味甘氣平。入手太陰肺。足太陽膀胱經。止喘降逆。利水消腫。榆白皮清金利水。滑胎催生。行血消腫。治齁喘。欬嗽。淋瀝。消渴。癰疽。發背。瘰癧。禿瘡。諸症。

木芙蓉 味辛氣平。入手太陰肺。足厥陰肝經。清風泄熱。涼血消腫。木芙蓉清利消散。善敗腫毒。一切瘡瘍。大有捷效。

塗飲俱善。

金櫻子

味鹹性瀉。入手陽明大腸。足厥陰肝經。斂腸止泄。

固精斷遺。

金櫻子酸斂瀉固。治泄利遺精。肝氣鬱結者。不

宜。酸斂之品。服之則遺精愈甚。當與升達之藥並用。

辛夷

味辛微溫。入手太陰肺。足陽明胃經。泄肺降逆。利氣

破壅。

辛夷降泄肺胃。治頭痛口齒痛鼻塞。收涕去鼯。散寒

止癢。塗面潤膚。吹鼻療瘡。亦名木筆花。

蘇合香

味辛性溫。入手太陰肺。足厥陰肝經。辟鬼驅邪。利

水消腫。

蘇合香走散開通。能殺蟲辟惡。除邪治腫脹。疹癩

氣積血癥調和藏府卻一切不正之氣。

安息香 味辛苦性溫。入手太陰肺足厥陰肝經。除邪殺鬼

固精壯陽。安息香溫燥竄走治鬼魅邪附陽痿精遺歷節疼痛及心腹疼痛之病薰服皆效燒之神降鬼逃。

龍腦 味辛性熱入手太陰肺足厥陰肝經開滯去濕殺蟲

龍腦辛烈之性通關透節去濕逐風治心疼腹痛腳氣牙蟲疥癬禿瘡箱籠篋箆殺蠹辟虱

冰片 味辛性涼入手太陰肺足厥陰肝經去翳明目開痺通喉。冰片辛涼開散治赤目白翳喉痺牙疼鼻瘰舌出腸

三秋藥單
安息香 龍腦 冰片 麝仁 琥珀 淡竹葉

脫殺蟲消痔開竅散火

蕤仁

味甘微溫。入手太陰肺足厥陰肝經。明目止痛。退赤

收淚。

蕤仁理肺疏肝。治眼病赤腫。目爛淚流。鼻癰衄血。痞

痰阻隔。生治多睡。熟治不眠。

琥珀

味辛甘。氣平。入手太陰肺足厥陰肝經。明目去翳。安

魂定魄。

琥珀涼肺清肝。磨障翳。止驚悸。除遺精白濁。下死

胎胞衣。塗面益色。敷疔拔毒。止渴除煩。滑胎催生。乳浸三日。

煮軟。搗碎用。上品也。

淡竹葉

味甘微寒。入手太陽膀胱經。利水去濕。泄熱除煩。

淡竹葉甘寒滲利。疏通小便。清泄膀胱濕熱。

沒石子。味苦微溫。入足少陰腎。足厥陰肝經。補精血。烏鬚

髮。沒石子性極溫。瀆治虛冷滑泄。赤白痢疾。合藥染鬚。燒

灰撲汗。治陰汗。亦名無餘子。焙研屑用。

桑椹。味甘氣平。入足太陽膀胱。足厥陰肝經。止渴生津。消

腫利水。桑椹滋木利水。清風潤燥。治消渴癰淋。瘰癧禿瘡。

烏鬚黑髮。桑葉治腳氣水腫。撲損金瘡。行瘀止渴。長髮明目。

桑枝治腳氣中風。喎斜拘攣。欬嗽上氣。紫白癩風。消癰疽。

利小便。桑皮汁滅黑痣惡肉。敷金瘡。化積塊。亦名木礪。

桑花。瀉腸止嗽。治吐衄崩帶。上品也。

女貞子。味苦氣平。入足少陰腎。足厥陰肝經。強筋健骨。秘

精壯陽。補益精血。長養精神。女貞子。隆冬蒼翠。非其溫煖

之性。不能如是。

楮實子。味甘氣平。入足少陰腎。足太陽膀胱。足厥陰肝經。

起痿助陽。利水消腫。楮實子。溫煖肝腎。補益虛勞。壯筋骨。

強腰膝。治陽事痿弱。水氣脹滿。明目去翳。充膚悅顏。療喉痺。

金瘡俱效。

枸杞子。味苦微甘。性寒。入足少陰腎。足厥陰肝經。補陰壯

水滋木清風。枸杞子苦寒之性。滋潤腎肝。寒泄脾胃。土燥便堅者宜之。水寒土溼。腸滑便利者服之。必生溏泄。本草謂其助陽甚不然也。根名地骨皮。清肝泄熱。涼骨除蒸。止吐血。齒衄。金瘡。血漏。止熱消渴。

桑寄生

味苦氣平。入足少陰腎。足厥陰肝經。壯骨榮筋。止

血通乳。

桑寄生通達經絡。驅逐濕痺。治腰痛背強筋痿骨

弱血崩乳閉胎動腹痛痢疾金瘡癰疽。堅髮齒長眉鬚。

雷丸

味苦性寒。入手少陰心。足厥陰肝經。殺蟲解蠱。止汗

除癩。雷丸清熱疏肝。殺寸白小蟲。驅風除癩。止小兒汗久

服令人陰痿。製用甘草水浸。去皮切炮爲末。撲身出汗。

天竺黃

味甘性寒。入手少陰心。足少陽膽經。泄熱安神。止

驚除痰。天竺黃清君相火邪。治驚悸癲癇中風痰迷失音

不語明目安心。清熱解毒。

柏子仁

味甘辛氣平。入足太陰脾。手陽明大腸。手少陰心

足厥陰肝經。潤燥除濕。斂氣安神。柏子仁辛香甘澆。秉燥

金斂肅之氣。而體質則極滋潤。能收攝神魂。定安驚悸。滑腸

開秘。榮肝起痿。明目聰耳。健膝強腰。澤膚舒筋。斂血止汗。燥

可泄溼潤。亦清風。至善之品。蒸晒春簸。取仁炒研。燒瀝取油。

光澤鬚髮。塗抹癬疥。搽黃水瘡最效。

松子仁。味甘辛氣平。入手太陰肺。手陽明大腸。手少陰心。

足厥陰肝經。潤燥清風。除濕開痺。松子仁與柏子仁相同。

收澇不及。而滋潤過之。潤肺止咳。滑腸通秘。開關逐痺。澤膚

榮毛。亦佳善之品。研搯鬚髮。最生光澤。松子大如豆粒。光頭

三角。出雲南遼東。中原無此。松香治癰疽疥癩。禿瘡血瘻。

止痛生肌。排膿收口。止崩除帶。強筋固齒。治慙節疼痛。陰囊

濕癢。松節治腰腿濕痺。筋骨疼痛。松花止血。

松子仁 松香 松節 松花

玉楸藥解卷三

昌邑黃元御坤載著

金石部

石鍾乳 味甘性溫。入足太陰脾。手太陰肺。足少陰腎。足厥

陰肝經。止嗽定喘。斂血秘精。石鍾乳燥濕除痰。治脾腎濕

寒。遺精吐血。腸滑乳閉。虛喘勞嗽。陽痿聲啞。其功甚速。寒消

濕去。食進氣充。恃此縱慾。精傷陽根。升泄往往發為消淋癰

疽之症。固緣金石慄悍。亦因服者恃藥力而雕斲也。

硫黃 味酸性溫。入足太陰脾。足少陰腎。足厥陰肝經。驅寒

燥濕補火壯陽。石硫黃溫燥水土。驅逐濕寒。治虛勞欬嗽。

嘔吐泄利衄血便紅冷氣寒癥腰軟膝痛陽痿精滑癰疽痔瘻疥癬癩禿。敷女子陰癢洗玉門寬冷塗鼻鼈疣痣消弩肉頑瘡。入蘿蔔內稻糠火煨熱去其臭氣研細用硝石能化硫爲水以竹筒盛埋馬糞中一月成水名硫黃液。

硃砂 味辛性溫入足太陰脾足太陰肺經攻堅破結化痞磨癥硃砂辛烈消尅治氣塊血癥老翳弩肉停食宿膾疣痣贅瘤之屬本草謂其煖胃益陽消食止嗽備載服食之法如此毒物能使金石銷毀何可入腹但宜入膏散外用西番者

佳。

金屑

味辛性寒入足陽明胃手太陰肺經鎮定魂魄甯安驚悸。金屑服之殺人。性同鮆酒。古人賜死。往往用此。本草謂其能止欬嗽吐血驚悸癩癧。方士製煉服餌。以爲長生不死。荒誕極矣。或謂生者有毒。熟者無毒。胡說之至。庸工每常用之。卽至少服不致殺人者。而驚悸自有原本。鎮重之物。何能得效。

砒霜

味苦辛性烈。入足太陰脾手太陰肺足厥陰肝經行痰化癖。截瘧除魘。砒霜辛熱大毒。治寒痰冷癖。久瘧積痢。

療痔漏瘰癧心疼。齁喘蝕癰疽腐肉。平走馬牙疳。生名砒煉。名砒霜。經火更毒。得酒愈烈。過臍則生吐泄。服一錢殺人。

花乳石 味酸。渣氣平。入足厥陰肝經。止血行瘀。磨鬱消瘡。

花乳石功專止血。治吐衄崩漏胎產刀杖一切諸血。善療金瘡。合硫黃煨煉。敷之神效。亦磨遠年障翳。化瘀血。老癥落死胎。下胞衣。煨研水飛用。

蜜陀僧 味辛。氣平。入足厥陰肝經。甯嗽止驚。化積殺蟲。

蜜陀僧沈墜下行。能降痰止吐。化積除驚。甯嗽斷痢。止血消

腫。平痔瘻。汗斑口瘡。鼻皴。臙瘡。骨疽之屬。研細水飛。

空青 味苦性寒。入足厥陰肝經。磨翳明目。化積行痰。空青石。清肝破滯。治目昏眼痛。赤腫障翳。通經下乳。利水消癥。石子如卵。內含水漿。搖之有聲。其名空青。點久年翳膜青盲。殼亦磨障。亦有內裏白麩者。搽腫毒瘡癰甚效。亦空青之別種。極難得也。

層青 味酸性寒。入足厥陰肝經。明目去翳。破積殺蟲。層青治眼痛。赤爛多淚。明目。磨癥化積。亦名空青。層青色如波斯青黛。層層而出。故名。

石青 味甘氣平。入足厥陰肝經。明目止痛。消腫破癥。石

青。清肝退熱。治目昏眼痛。跌打金瘡。消癰腫。化積聚。吐頑痰。
石綠。味酸。氣平。入足厥陰肝經。止泄痢。吐風痰。石綠。清
涼重墜。治風痰壅悶。急驚昏迷。

青礞石

味鹹。氣平。入手太陰肺。足太陰脾經。化痰消穀。破

積攻堅。

青礞石。重墜下行。化停痰宿穀。破硬塊老痰。其性

迅利。不宜虛家。庸工有滾痰丸。方用礞石。大黃。泄人中氣。最
可恨也。

浮海石

味鹹。氣平。入手太陰肺。足厥陰肝經。化痰止渴。破

滯軟堅。

浮海石。鹹寒通利。能化老痰。消積塊。止渴通淋。去

醫瘡下癭瘤清金止嗽泄濕消疝亦兼治疔毒惡瘡。

鐵繡 味鹹氣平入手太陰肺足厥陰肝經消腫敗毒降逆

清熱。鐵繡重墜清降消腫毒惡瘡療蜘蛛蜈蚣諸傷。

銅青 味鹹氣平入手太陰肺足厥陰肝經止血行痰消腫

合瘡。即銅綠酸澆能合金瘡止血流平牙疳肉蝕收爛弦冷

淚消臙瘡頑癬療痔瘻楊梅去風殺蟲生髮點痣功專外用

不入湯丸醫書用吐痰殊非良法。

石灰 味辛性溫入手太陰肺手陽明大腸經止血化積殺

蟲。石灰溫煖燥烈收濕驅寒治癰疽疥癬瘰癧癥瘕痔瘻

鐵繡 銅青 石灰 綠礬 蓬砂

瘰癧疣白癩黑痣松刺瘰肉水泄紅爛赤帶白淫脫肛陰挺囊
墜髮落牙疼口喎止疼合瘡生肌長肉墜胎殺蟲染髮烏鬚
收金瘡血流但可外用薰敷而不可服餌 牛膽拌套風乾
者佳。

綠礬 味酸性涼入手太陰肺手陽明大腸經消癰化積止

血平瘡 綠礬燥烈收瀉治痰涎瘡痢積聚脹滿喉痺牙蟲

耳瘡眼疼弦爛水腫崩中便血疥癬禿瘡之爛蛆生者亦外

用末可輕服。

蓬砂 味鹹性涼入手太陰肺經化痰止嗽磨翳消癥 蓬

砂消癥化痰。治癖積翳障。努肉結核。喉癖骨硬。本草謂其化痰止嗽。清肺生津。除反胃噎膈。此非循良之性。未可服也。

膽礬

味酸性寒。入手太陰肺經。降逆止嗽。消腫化積。膽

礬酸澇燥。收能尅化癥結。消散腫毒。治齒牙疳喉痺。牙蟲鼻肉陰蝕。腳疽痔瘻。楊梅金瘡白癩。一切腫痛。療帶下崩中。治上氣眼疼。弦爛瘋狗咬傷。百蟲入耳。腋下狐臭。吐風痰。最捷。

爐甘石

味甘氣平。入手太陰肺經。明目退翳。收斂瘡肉。

爐甘石。清金燥濕。治眼病紅腫。翳障弦爛。淚流兼醫痔瘻。下疳。止血清毒。並療陰囊濕癢。爐甘石。生金銀鑛。秉寒肅燥。

歛之氣最能收濕合瘡退翳除爛。但病重根深不能點洗收效。必須服藥餌。用拔本塞源之法。若眼科諸言一派胡說。不可服也。煨紅童便浸數次。水洗。研細水飛。

珊瑚

味辛。氣平。入手太陰肺經。點眼去翳。吹鼻止衄。珊

瑚磨翳消障。功載本草。而取效甚難。至謂化血止衄。尤妄。

瑪瑙

味辛。氣平。入手太陰肺經。點眼去翳。熨目消紅。瑪

瑙磨翳退障。存此一說。然未能奏效。

石燕

味甘。性涼。入足少陰腎。足太陽膀胱經。利水通經。止

帶催生。石燕甘寒滲利。泄膀胱濕熱。治淋瀝熱瀉。瀉血便

秘消渴帶下痔瘻障翳齒動牙疼拳毛倒睫

石蠟

味苦鹹性寒入手少陰心足少陽膽經清心泄熱明

目磨翳

石蠟鹹寒泄火治青盲白翳痘疾熱疾催生落胎

行血消腫癰疽熱毒吹喉痺解漆瘡

石蠶

味苦微涼入足太陽膀胱經通淋瀝生肌肉石蠶

清利膀胱治石淋血結磨服則下碎石

石鰲

味甘性涼入足太陽膀胱經通淋瀝止便血石鰲

清膀胱濕熱治小便淋瀝

陽起石

味鹹微溫入足少陰腎足厥陰肝經起痿壯陽止

三才圖會 卷三
帶調經。陽起石煖溫肝腎強健宗筋治寒疝冷瘕崩漏帶
下陰下濕癢腰膝酸疼腹痛無子經期不定。

吸鐵石 味辛微寒入足少陰腎手太陰肺經補腎益精。

吸鐵石收斂肺腎治耳聾目昏喉痛頸核筋羸骨弱陽痿脫
肛金瘡腫毒咽鐵吞針斂汗止血種種功效悉載本草庸工
用之殊無應非善品也。火煨醋溶研細水飛。

自然銅 味辛氣平入足少陰腎足厥陰肝經補傷續絕行
瘀消腫。自然銅燥濕行瘀止痛續折治跌打損傷癥瘕積

聚破血消癭甯心定悸療風濕癱瘓之屬。自然銅收濕之

力與無名異同。火煅醋淬。研細水飛。

無名異。味鹹氣平。入足少陰腎。足厥陰肝經。接骨續筋。破
瘀消腫。無名異。燥濕行瘀。消腫止痛。治金瘡打損。筋斷骨
折。癰疽楊梅痔瘻。瘰癧腳氣。臙瘡之類。無名異。收濕氣。調漆
煉油。其乾甚速。至燥之品。

鐵落。味辛氣平。入手少陰心。足少陽膽經。甯心下氣。止怒
除狂。生鐵落。素問病能論。用治怒狂。曰生鐵落者。下氣疾也。
肝主怒。肝虛則驚悸。善恐。膽旺則風狂。善怒。鐵落鎮伏肝膽。
收攝神魂。止驚悸。除狂惑。是所長也。

針砂 味鹹氣平。人手少陰心。足太陽膀胱經。安神止驚泄
濕消脹。針砂鎮定心神。疏通水道。治驚癇。掃痰飲。治水脹。
除黃疽。縮癭瘤。染鬚髮。然金石重墜。未宜輕服。炒熨手足。去
濕痺疼痛甚效。

水銀 味辛性寒。入手少陰心。足少陰腎經。殺蟲去虱。止痛
拔毒。水銀大寒至毒。治疥癬痔瘻楊梅惡瘡。滅白癩粉皰。
但可塗搽。不可服餌。服之痿陽絕產。筋攣骨痛。古人服方士
燒煉水銀。以爲不死神丹。殞命天年。不可勝數。帝王卿相。多
被其毒。古來服食求神仙。多爲藥所誤。其由來遠矣。勿入

瘡口。

輕粉 味辛性寒。入足少陰腎、足厥陰肝經。搽疥癬、塗楊梅、惡瘡。多被其毒，不可入湯丸也。本草謂其治痰涎積滯、肢脹、水腫。良藥自多，何爲用此輕粉？卽水銀鹽礬升煉而成者。其性燥烈，能耗血亡津，傷筋損骨。

元明粉 味辛鹹，性寒。入手少陰心、手太陰肺經。泄熱除煩，掃癥破結。元明粉，鹹寒疏蕩，治心肺煩熱、傷寒發狂、眼痛、鼻衄、宿滯、老癩。元明粉，乃朴硝蘿蔔甘草煎煉而成，是方

玉楸藥解 卷三
士造作。以爲服食卻病之藥。泄火伐陽。舍生取死。原非通製。不必用也。

百草霜 味辛氣平。入足厥陰肝經。歛營止血。清熱消痰。百草霜專止失血。治吐衄便血。產漏諸血。甚效。百草霜卽竈內煙煤。與金臍灰同性。

玉楸藥解卷四

昌邑黃元御坤載著

菓部

龍眼味甘微溫。入足太陰脾。足厥陰肝經。補脾養血。滋肝生精。龍眼甘能益脾。潤可生精。滋肝木而清風燥。降心火而消煩熱。補陰生血。而不至滋濕。伐陽傷中。敗土。至佳之品。勝地歸諸藥遠矣。以有益智之名。本草謂其安神益智。神生於血。智生於神。此亦固有之理也。至於驚悸不寐。濕旺胃逆。陽泄不藏。嚴氏歸脾以爲血虛。而用龍眼。則難效矣。

荔枝 味甘性溫。入足太陰脾。足厥陰肝經。煖補脾精。溫滋

肝血。荔枝甘溫。滋潤最益脾肝精血。木中溫氣。化火生神。

人身之至寶。溫氣虧損。陽敗血寒。最宜此味。功與龍眼相同。

但血熱宜龍眼。血寒宜荔枝。木鬱血熱。火泄金燔者。食之則

齟腫鼻衄。非所當服。乾者味減。不如鮮者。而氣質和平。補益

無損。不至助火生熱。則大勝鮮者。其功生津止渴。悅色益顏。

發痘消瘡。治腫疔瘰癧贅瘤之類。荔枝核治癩疝囊腫。上

品也。

甘蔗 味甘微寒。入足太陰脾。足陽明胃經。泄熱除煩。蔗

漿甘寒。解酒清肺。故漢書有蔗漿折朝醒。王維有大官還有蔗漿寒之語。土燥者最宜。陽衰濕旺者服之亦能寒中下利。本草謂其下氣止嘔。則雖屬甘煖。亦頗疏利不壅。與白沙糖性平。功用相彷彿。

甜瓜 味甘性寒。入足太陰脾。足陽明胃經。清煩止渴。解暑涼蒸。甜瓜甘寒疏利。甚清暑熱。但泄胃滑腸。陽衰土濕者食之必泄利。生冷敗脾。以此爲最。

蓮子 味甘性平。入足太陰脾。足陽明胃經。足少陰腎。手陽明大腸經。養中補土。保精斂神。善止遺洩。能住滑澹。蓮子

甘平甚益脾胃。而固澹之性。最宜滑泄之家。遺精便澹。極有良效。心名蓮蕊。苦寒泄火。治心煩上熱之症。陽虛火敗。去心用。藕能活血破瘀。敷金瘡折傷。清肺止渴。蒸食開胃止泄。蓮蕊固精止泄。悅色烏鬚。蓮房止崩漏諸症。荷葉蒂能領諸藥。直至巔頂。

胡桃 味甘澹氣平。入足陽明胃。手太陰肺經。止嗽定喘。利水下食。胡桃核歛澹滋潤。能進飲食。止喘嗽。潤腸胃。通淋澹。除崩漏。消癰腫。敷瘰癧。塗疥癬。療頭瘡。鼻齕。聾耳。便血。遺精。失溺。澤膚潤腸。黑鬚烏髮。治腰疼。腹痛。寒疝。紅痢。醋心之。

類魚口便毒火燒打損疔毒之屬油胡桃能治癰腫疥癬楊梅禿瘡潤澤鬚髮。青皮染鬚髮白癩。

山查 味酸氣甘平。入足太陰脾。足厥陰肝經。消積破結。行

血開瘀。山查消剋磨化。一切宿肉停食。血癥氣塊皆除。

栗子味甘鹹氣平。入足太陰脾。足少陰腎經。補中培土。能養

胃益脾。素問藏氣法時論脾色黃食鹽大豆豕肉栗藿皆鹹。

戊土降於丁火得離中之陰精。己土升於癸水得坎中之陽

氣。故苦則入胃。鹹則歸脾。栗子甘鹹入脾。補中助氣。充虛益

餒。培土益脾。諸物莫逮。但多食則氣滯難消。少噉則氣達易

三才圖會 卷四
三
尅耳。生食治腰腿不遂。生嚼塗筋骨碎斷。又消腫痛。行瘀血。破痧癖。去惡刺。出箭頭。止鼻衄。歛泄利。風乾者佳。殼止便血。殼內薄皮治骨鯁。

椶子 味苦。瀉氣平。入足太陰脾。手陽明大腸經。健脾消穀。

瀉腸止痢。椶子苦。瀉收斂。煖胃固腸。消食止泄。治泄利脫

肛。斷痔。瘦失血。磨塗癰疽。堅硬不消。殼止下痢。便血。帶下崩中。烏鬚染髮。性最斂。瀉。

葶薺 味甘微寒。入足太陰脾。足厥陰肝經。下食消穀。止血

磨癥。葶薺甘寒清利。治熱煩消渴。化宿穀。堅癥。療噎膈黃

疽。解金石蟲毒。醫吞銅便血。止下痢崩中。攻堅破聚。是其所長。但塞胃氣。脾弱者食之。則臍下結痛。卽地栗。亦名鳧茨。爾雅作鳧茨。

西瓜

味甘微寒。入手太陰肺。足太陽膀胱。足陽明胃經。清

金除煩。利水通淋。西瓜甘寒疏利。清金利水。滌胸膈煩燥。

泄膀胱熱瀉。最佳之品。脾胃寒濕。取汁熱服。

蒲桃

味甘酸微寒。入手太陰肺。足太陽膀胱。足陽明胃經。

清金解渴。利水除淋。蒲桃清金利水。治煩渴熱淋。療胎氣

衝心。其力未及西瓜。亦佳品也。蒲桃出自西域。漢書西域

傳。大宛諸國富人以蒲桃作酒。藏之數十年不壞。張騫攜其種來中國始生。後人作葡萄。

黃橘 味甘酸微寒。入手太陰肺經。清金止渴。涼膈除煩。

黃橘酸甘清利。治心肺煩渴。但生冷之性。滋濕敗土。聚涎生痰。陽虛濕旺者忌之。青皮破滯攻堅。伐肝泄肺。庸工最肯

用之。

青梨 味甘酸微寒。入手太陰肺經。清心涼肺。止渴消痰。

青梨甘寒清利。涼心肺煩熱。滋藏府燥渴。洗滌涎痰。疏通鬱塞。滋木清風。泄火敗毒。治風淫熱。鬱欲作癰。瘕癰疽之病。陰

旺土濕者忌之。泄熱滑腸。不可恣食。上熱者。取汁溫服。點眼病赤腫。弩肉。

柿霜 味甘性涼。入手太陰肺。手少陰心經。清金止渴。化痰

甯嗽。柿霜清心肺煩熱。生津解渴。善治痰嗽。消咽喉口舌

諸瘡腫病。柿餅清肺瀉腸。消痰止渴。治吐血。淋血。痔瘻。腸癖。肺痿。心熱。欬嗽。暗啞。

枇杷 味酸甘。氣平。入手太陰肺經。潤腸解渴。止嘔降逆。

枇杷酸收。降利。治肺胃衝逆。嘔噦。煩渴。枇杷葉能清金下氣。止嗽。最善。

三秋藥萃
卷四
柿霜 枇杷 楊梅 橄欖 林檎 五

楊梅 味酸甘微温。入手太陰肺經。除痰止嘔。解渴斷痢。

楊梅酸澁降斂。治心肺煩鬱。止飲酒嘔吐。療痢疾損傷。止血
衄。楊梅仁能治腳氣。楊梅生瘡癘之鄉。其味酸甘。多食損
齒傷筋。惟桑土者不酸。林邑生者實如盃盞。青時極酸。熟則
如蜜。釀酒號梅香酒。土人珍重之。

檄欖 味酸澁氣平。入手太陰肺經。生津止渴。下氣除煩。

檄欖酸澁收斂。能降逆氣。開胃口。生津液。止煩渴。消酒醒。化
魚鯁。收泄利。療咽喉腫痛。解魚蟹諸毒。平唇裂牙疳。核治癩

疔。

林檎 味酸澹。氣平。入手太陰肺經。生津解渴。下氣消痰。
林檎酸澹收斂。治肺熱消渴。療滑腸泄利。

金棗 味酸甘。微涼。入手太陰肺經。下氣寬胸。解醒止渴。

金棗酸涼。清肺降胸膈逆氣。治上熱煩渴。金棗亦名橘似

橘。小而皮光大。如胡桃。夏青冬黃。在樹至三五年。樹高數尺。
霜雪不凋。實隨年長。形如雞卵。色青黃如初年也。

銀杏 味苦甘。性澹。氣平。入手太陰肺經。降痰下氣。止嗽定

喘。銀杏苦澹。斂肺降痰涎。止喘嗽。縮小便。除白濁。收帶下。
根去皴皵黧黯。平手足皴裂。療頭面癬疥。殺蟲去虱皆效。

三材藥角 卷四
銀杏卽白菓熟食益人 葉辟諸蟲

〔芡實〕味甘性澁。入手太陰肺經。足少陰腎經。止遺精。收帶

下。芡實固澁滑泄。治遺精失溺白濁帶下之病。

石榴皮 味酸性澁。入手陽明大腸。足厥陰肝經。斂腸固腎。

澇精止血。石榴皮酸澁收斂。治下痢遺精脫肛便血崩中帶下之病。點眼止淚。塗瘡拔毒。

木瓜 味酸性澁微寒。入手太陰肺。足厥陰肝經。斂腸止泄

逐濕舒筋。木瓜酸斂收澁。能斂肺固腸。燥土泄肝。治霍亂

吐利腹痛轉筋。療腳氣。治中風筋攣骨痛。其主治諸病總皆

寒濕之邪。但用木瓜。終難成效。本草謂其性溫。止泄。瓜汁寒脾。冷飲立生泄利。雖能泄肝止痛。而土虛木賊。最忌酸收。功止治標。未能無弊。何如苓桂薑甘溫燥之品。效大而力捷也。

木瓜鮮者糖餞。斂肺止渴。

棠梨 味酸性瀼。微寒。入手太陰肺。足厥陰肝經。收腸斂肺。

止泄除嘔。棠梨酸瀼。功同木瓜。治霍亂吐泄。腹痛轉筋。燒

食止泄痢。

香櫟 味苦酸。微涼。入手太陰肺經。清金下氣。止嗽除痰。

香櫟長於行氣。

香橙 味酸入手太陰肺經。寬胸利氣。解酒消癭。香橙善

降逆氣。止惡嘔。消瘰癧。瘰癧。

芝麻 味甘氣平。入足厥陰肝。手陽明大腸經。潤肺開閉。

芝麻補益精液。滋潤肝腸。治大便結塞。清風榮木。養血舒筋。

療語塞。步遲。皮燥。髮枯。髓涸。肉減。乳少。經阻。諸症。醫一切瘡。瘍。敗毒。消腫。生肌。長肉。殺蟲。生禿髮。滑產。催衣。皆善。上品也。

白扁豆 味甘氣平。入足太陰脾。手陽明大腸經。培精養胃。

住泄止嘔。白扁豆甘平。斂滯。補土治泄。亦良善之品也。

瓠蘆 味甘氣平。性滑。入手太陰肺。足太陽膀胱經。清金潤

燥。利水泄濕。瓠蘆清金利水。治心肺煩熱。洩溺淋瀝。脹滿。黃腫之症。鮮者作羹。甘滑清利。亞腰者。連子燒研。飲送。每服一枚。水脹腹滿。十餘日消。亦作葫蘆。瓠蘆甘寒。泄水排停。痰宿飲消。水腫黃疸。煮汁漬陰。能通小便。煎湯滴鼻。卽出黃水。療鼻塞牙疼。去胬肉。老翳。治癰疽痔瘻疥癬。點鼻肉吹耳。膿吐蠱毒。下死胎。炙下部懸癰。能吐能泄。

冬瓜 味酸甘微寒。入手太陰肺足太陽膀胱經。清金止渴。

利水消脹。冬瓜清金利水。治消渴水脹。泄痢淋瀝。癰疽痔瘻。皆醫解食中毒。洗頭面黧黯。冬瓜去皮切片。酒水煮爛。

三林藥角 卷四
去渣熬濃。器收。每夜塗面。變黑爲白。光澤異前。

白芥子

味辛氣溫。入手太陰肺經。破壅豁痰。止喘定欬。

白芥子辛溫利氣。掃寒痰冷涎。破胸膈支滿。治嗽逆喘促。開胃止痛消腫。避惡皆良。

萊菔子

味辛氣平。入手太陰肺經。下氣止喘。化痰破鬱。

萊菔子辛熱疏利。善化痰飲。最止喘嗽。破鬱止痛。利氣消穀。生研吐老痰。

韭子

味辛氣溫。入足少陰腎。足厥陰肝經。秘精斂血。煖膝

強腰。

韭子溫補腎肝。治白淫赤帶。腰膝軟弱。宗筋下痿。精

液常流。

韭菜汁治心衄便溺諸血。行打撲損傷諸瘀。療女子經脈逆行。止胸膈刺痛如錐。散胃脘瘀血。

玉柳藥解卷四終

玉楸藥解卷五

昌邑黃元御坤載著

禽獸

牛肉

味甘性平。入足太陰脾。足厥陰肝經。補中培土。養血

榮筋。素問。肝色青。宜食甘。粳米牛肉棗葵皆甘。牛肉補益

脾肝。滋養血肉。壯筋強骨。治腰膝軟弱。消渴癖積。牛皮治

風癰。水牛肉性寒兼治水腫。利小便。牛乳清肺潤腸。退

熱止渴療黃疸。牛髓補精添力。續絕補傷。牛腦潤皴裂。

消癖積。牛膽套南星。治驚化痰。牛角腮通經破瘀。止血

泄痢。牛涎治反胃噎膈。牛溺治水腫尿癢。牛黃治驚

狂風熱。敗鼓皮治蟲毒淋漓。

馬勃治咽喉痺痛久嗽失聲骨鯁吐衄。馬勃亦名牛屎菰。

馬肉。味辛苦性寒。入足陽明胃手太陰肺經。清金下氣壯

骨強筋。馬肉辛冷無補益。駿馬肉有毒。酒杏蘆菹汁解。

馬肝有毒。漢書文成食馬肝死。武帝曰食肉不食馬肝。馬肝

入瘡則死。栗杵灰汁浸洗白沫出解。白馬尿治積聚癥瘕。祖

台之志怪載治驚癩事

山羊血。味鹹甘氣平。入足厥陰肝經。最行瘀血。絕止癢痛。

山羊血治瘀血作痛。療跌撲損傷甚捷。

犀角 味苦酸性寒。入足厥陰肝。足少陽膽。手少陰心經。泄火除煩。解毒止血。犀角寒涼。泄火治胸膈熱煩。口鼻吐衄。瘟疫營熱發斑。傷寒血瘀作狂。消癰疽腫痛。解飲食藥餌山水瘴癘諸毒。凡勞傷吐衄之症。雖有上熱甚。而其中下兩焦。則是寒濕。當與溫中燥土之藥並用。庸工犀角地黃一方。犀角可也。地黃泄火敗土。滋濕伐陽。則大不可矣。

羚羊角 味苦微寒。入足厥陰肝經。清肝退熱。明目去翳。羊肝苦寒。清肝膽風熱。治眼病紅腫翳膜。昏花喪明。療牙疳。

痢疾。青羊膽治青盲白翳紅瘀赤障便秘腸結黔炮疔瘡。
羊乳潤肺止渴治口瘡舌腫心痛腸燥蜘蛛咬傷。蜒蚰入耳
灌之卽化成水。

白狗膽。味苦性寒。入足少陽膽。足厥陰肝經。明目退翳破
瘀消積。白狗膽苦寒清肝膽風熱。治眼痛鼻癰鼻衄耳聾。

殺蟲化積。止痛破血。凡刀箭損傷及腹脇瘀血痛熱酒服半
枚。瘀血盡下。兼敷一切惡瘡。白狗乳點久年青盲於目未

開時點。目開而瘥。塗赤禿髮落。拔白生黑。白狗血治癩疾。

黑狗血治難產橫生鬼魅浸凌。狗寶溫胃降逆止噎納谷。

療癰疽疔毒。狗陰莖壯陽起痿。除女子帶下陰癢。

獺肝

味甘微溫。入足厥陰肝經。補虛益損。止嗽下衝。

獺

肝溫中降逆。治虛勞咳嗽。上氣痔瘻。下血鬼魅侵侮之症。

五靈脂

味辛微溫。入足厥陰肝經。開閉止痛。磨堅。

五靈

脂破瘀血。善止疼痛。凡經產跌打諸瘀。心腹脇肋諸痛。皆療。

又能止血。凡吐衄崩漏諸血。皆收。生用行血。熟用止血。

夜明砂

味鹹氣平。入足厥陰肝經。消積聚。去翳障。

蝙蝠

屎名夜明砂。能磨翳明目。消腫破積。止痛除驚。去黑黚。下死

胎。療瘰癧。治馬撲腫痛。

月明砂 味鹹氣平。入足厥陰肝經。去翳障。療痔瘻。兔屎

名月明砂。能明目去翳。消痔殺蟲。庸工習用不效。季明又言其能治虛勞夜熱。更荒誕。

雞丙金 味甘氣平。入手陽明大腸足厥陰肝經。止痢歛血。

利水秘精。雞丙金扶中燥土。治泄痢崩帶尿血便紅喉痺

乳蛾口瘡牙疳失溺遺精酒積食宿胃反膈噎。並消癰疽發背。

鷹屎白 味微寒。入手太陰肺足厥陰肝經。消積滅痕。化硬

退炮。鷹屎白滅打傷癥痕。消頭面黧黯。化辟積骨硬。

鹿茸 味辛微温。入足少陰腎。足厥陰肝經。生精補血。健骨

強筋。鹿茸補益腎肝。生精補血。最壯筋骨。治陽痿精滑。鬼

交。夢泄崩漏帶濁。腰疼膝軟。目眩耳聾。諸症。酥炙用。研碎

酒煮。去渣熬濃。重湯煮膏最佳。

鹿角膠 味辛鹹微温。入足少陰腎。足厥陰肝經。補腎益肝。

斂精止血。鹿角膠温補肝腎。滋益精血。治陽痿精滑。鬼交

夢遺。吐衄崩帶。腰疼膝痛。瘡瘍毒腫。跌打損傷。宜子安胎。補

虛。同損。功效極多。但性滯。不宜脾胃。中焦鬱滿者。切忌服之。

蛤粉砂研用。生研酒服。行瘀血。腫毒塗抹亦良。煉霜熬

玉火... 鹿茸 鹿角膠 雀卵 虎骨

膏專補不行。膠霜功同。而霜不膠粘似勝。

雀卵

味鹹性溫。入足少陰腎。足厥陰肝經。壯陽起痿。煖血

溫精。

雀卵溫補肝腎精血。治男子陽痿。女子帶下。精寒血

枯。固瘕癩疝之症。素問治女子血枯。月事衰少不來。用烏賊
骨。蔞茹丸。以雀卵雄雀屎。名白丁香。能點翳。磨努肉。消積聚
癥瘕。敷癰疽潰頂。吹喉開痺。

虎骨

味辛鹹。氣平。入足少陰腎經。療關節氣冷。治膝脛腫

痛。

虎骨逐痺通關。強筋健骨。平厯節腫痛。愈腰膝痿軟。諸

獸骨。鯁惡犬咬傷。痔瘻脫肛。俱效。

脛骨良。酥炙。研用。熬膏。

佳。手病用前腿骨。足病用後腿骨。左病用右。右病用左。

象皮

味鹹氣平。入足太陽膀胱經。合瘡口生肌膚。象皮。

治金瘡不合。一切瘡瘍。收口生肌。俱捷。燒灰存性。研細用。

象牙。治諸刺入肉傷喉。敷飲皆效。

熊膽

味苦性寒。入手少陰心。足少陽膽。足厥陰肝經。清心。

泄熱。去翳殺虫。

熊膽苦寒。清君相二火。泄肝明目。去翳殺

虫。安魂止驚。治牙疳鼻衄瘡瘍痔瘻之屬。

鼠膽

味苦性寒。入手少陰心。足少陽膽。足厥陰肝經。點目。

昏。滴耳聾。

鼠膽塗箭鏃不出。聾耳汁流。

鼠糞名兩頭尖。

三極藥解
治傷寒勞復。男子陰陽易。通女子經閉。收產婦陰脫。療癰疽
吹乳犬咬鼠瘻。日華子謂其明目。誤入食中。令人目黃成疽。
燕子窠。味辛氣平。入手少陰心經。消惡瘡。敗腫毒。燕窠
土消腫解毒。治疥癩。浸淫黃水白禿。一切惡瘡。塗洗皆效。

玉楸藥解卷六

昌邑黃元御坤載著

鱗介魚蟲部

膾胸臍即海狗腎 味鹹性熱入足少陰腎足厥陰肝經溫精

煖血起痿壯陽 膾胸臍溫煖肝腎治宗筋痿弱精冷血寒

破堅癥老血治鬼交夢遺健膝強腰補虛益損 洗陰癢生

瘡

海馬 味甘性溫入足少陰腎足厥陰肝經煖水壯陽滑胎

消癥海馬煖肝腎起痿壯陽破癥塊消疔腫平癰疽催胎產

玉楸藥解 卷六 膾胸臍 海馬 龜板 桑螵蛸

龜板 味鹹性寒。入足少陰腎經。泄火滋陰。寒胃滑腸。 龜

板鹹寒。泄火敗脾傷胃。久服胃冷腸滑。無有不死。朱丹溪以下庸工。作補陰之方。用龜板地黃知母黃柏。治內傷虛勞之症。剗滅陽根。脫泄生氣。俗子狂夫。廣以龜鹿諸藥。禍流千載。可痛恨也。燒研敷飲。治諸癰腫瘍。甚靈。

桑螵蛸 味鹹氣平。入足少陰腎足太陽膀胱足厥陰肝經。起痿壯陽。回精失溺。 桑螵蛸温煖肝腎。疏通膀胱。治遺精失溺。經閉陽痿帶濁。淋瀝耳痛喉痺。癩疝骨硬之症。

綠蜻蜓 味鹹微温。入足少陰腎足厥陰肝經。強筋壯陽。煖

水秘精。綠蜻蜓温煖肝腎。治陽痿精滑。近時房中藥多用
紅色者。

桑蟲 味苦氣平。入手少陰心足厥陰肝經。止崩除帶消脹。
桑蟲苦平。行痰破滯。治口瘡目翳崩中帶下。庸工以起小
兒痘瘡塌陷。不通之至。

蝸牛 味鹹性寒。入足太陽膀胱足厥陰肝經。利水泄火。消
腫敗毒。蝸牛去濕清熱。治痔瘻瘰癧發背脫肛耳聾鼻衄
喉痺腮腫目翳面瘡。解蜈蚣蛇蝎蜂蝎諸毒。生搗燒研塗敷
皆良。

三才圖會
卷六
蚯蚓土 味酸微寒。入手少陰心經。除濕熱消腫毒。 蚯蚓

土。清熱消腫。敷乳吹卵。腫聾耳。疔腮。一切腫毒。小腹小便脹

閉。

原蠶蛾 味鹹性溫。入足少陰腎。足厥陰肝經。煖腎壯陽。固

精斂血。原蠶蛾溫煖肝腎。壯陽固精。治遺精溺血。療金瘡

滅癍痕。止血濁。

螻蛄 味鹹性寒。入足太陽膀胱經。利水消腫。開癰除淋。

螻蛄鹹寒。清利膀胱。濕熱消水。病脹滿。小便淋瀝。下胎衣。平

瘰癧。出針刺。拔箭簇。腰前甚瀉。能止大小便。腰後甚利。能利

大小便研細吹鼻中即出黃水。吹莖內立開小便。功力甚捷。

螺蛳 味甘性寒。入足太陽膀胱經。清金止渴。利水泄熱。

螺蛳清金利水。泄濕除熱。治水脹滿。療腳氣黃疸。淋瀝消渴。疥疾。及瘰癧眼病。脫肛痔瘻痢疾。一切疔腫之症。煮汁療熱。

醒酒

黃蠟 味甘性寒。入手太陰肺。足厥陰肝經。歛血止痢。接骨

續筋。黃蠟凝聚瀉收。治泄痢便膿。胎動下血。跌打金瘡湯。

火蛇咬凍裂一切諸瘡。愈破風。

白蠟 味淡氣平。入手太陰肺。足厥陰肝經。止血生肌。補傷

續絕。白蠟堅凝。斂聚能消腫。止疼。長肉。合瘡。接筋。續骨。外科要品也。白蠟卽黃蠟之殊色者。此是蠟樹虫吐白如胡粉也。

珍珠

味甘鹹微涼。入手太陰肺。足厥陰肝經。明目去翳。安

魂定魄。

珍珠涼肺清肝。磨翳障。去驚悸。除遺精白濁。下死

胎胞衣。塗面益色。敷疔拔毒。止渴除煩。滑胎催生。

石決明

味鹹氣寒。入手太陰肺。足太陽膀胱經。清金利水。

磨翳止淋。

石決明清肺開鬱。磨翳消障。治雀目。夜昏青盲。

晝暗。泄膀胱濕熱。小便淋漓。服點並用。但須精解病源。新製

良方。用之得效。若庸工妄作眼科諸方。則終身不靈。久成大害。萬不可服。麩煨去粗皮。研細水飛。

蟬蛻 味辛氣平。入手太陰肺經。發表驅風。退翳消腫。 蟬

蛻輕浮發散。專治皮毛退翳膜。消腫毒。治大人失音。小兒夜嘔。取其晝明夜息之意。庸工以治大人頭風眩暈。小兒痘瘡塌癢。則不通矣。眩暈不緣風邪。癢塌全因衛陷。此豈蟬蛻所能治也。又治驚癇口噤。亦殊未然。

蛇蛻 味鹹氣平。入手太陰肺經。發表驅風。退翳敗毒。 蛇蛻發散皮毛。治瘡瘍毒腫。至於退翳膜。止驚癇。則非蛇蛻。

蛻所能奏效庸工不解病源而但用表散之品可見庸陋極矣。

蛤蚧

味鹹氣平入手太陰肺經足太陽膀胱足少陰腎足厥陰肝經歛血止嗽利水助陽。蛤介收降肺氣疏通水府。

治喘嗽吐血消渴淋癢通經行血起痿壯陽虛勞羸弱之病。去頭眼鱗爪酒浸酥炙黃研細口含少許馳百步不喘止喘定嗽功力甚捷其毒在頭足其力在尾如虫蛙其尾者不足用。

蜥蜴

味鹹性寒入手太陰肺足太陽膀胱足少陰腎足厥

陰肝經消癩通淋。治水積瘦瘡。亦名石龍子。能吐雹祈雨。故善通水道。酥炙研細用。

蟾酥

味辛微溫。入手太陰肺。足少陰腎經。瀉精助陽。敗毒

消腫。

蟾酥研塗磨塵頂。治精滑夢遺。磨點瘡頭。治疔毒癰

腫。磨腰煖腎。揩牙止痛。辛烈殊常。入鉢搗研。氣衝鼻孔。噴嚏

不止。沾唇麻辣。何能當者。外科家因作小丸服。甚非良善之

法也。

五倍子

味酸氣平。入手太陰肺。手陽明大腸經。收肺除欬。

斂腸止利。

五倍子酸。收入肺。斂腸墜。縮肛脫。消腫毒。平欬。

火

卷六

蟾酥 五倍子 蛤粉 全蝎

五

三和藥角 卷六
逆斷滑泄。化頑痰。止失紅。歛潰瘡。搽口瘡。吹喉痺。固盜汗。止遺精。治一切腫毒痔瘻疥癩金瘡之類。五倍釀法名百藥煎。與五倍同功。

蛤粉 味鹹性寒。入手太陰肺。足太陽膀胱經。清金利水。化痰止嗽。蛤粉鹹寒清利。涼金退熱。利水泄濕。治欬嗽氣逆。胸滿痰阻。水脹溺癃。崩中帶下。瘦瘤積聚。煨研用。

全蝎 味辛氣平。入足厥陰肝經。穿筋透節。逐濕除風。全蝎燥濕驅風。治中風喎斜癱瘓。小兒驚風。女子帶下諸症。此亦庸工習用之物。諸如此種。大方之家。概不取也。

殭蠶 味辛鹹氣平。入足厥陰肝經。活絡通經。驅風開痺。

殭蠶驅逐風邪。治中風不語。頭痛胸痺。口噤牙疼。癰疹風瘙。凍瘡疔毒。黥斑粉刺。疔痔金瘡。崩中便血。治男子陰癢。小兒驚風諸症。此庸工習用之物。風邪外襲。宜發其表。風燥內動。宜滋其肝。表裏不治。但事驅風。愈盛不通之極矣。殭蠶燒研酒服。能潰癰破頂。又治血淋中風。蠶脫紙燒研。治吐衄便溺諸血。小兒淋瀝諸瘡腫痛。

白花蛇 味鹹微溫。入足厥陰肝經。通關節。泄濕驅風。

白花蛇穿筋透骨。開痺搜風。治口鼻喎斜。手足癱瘓。骨節疼。

痛肌膚麻癢疥癩風癩之症中風病因木鬱風動血燥筋枯外風虛邪表閉筋縮四肢而成木鬱之由全緣水寒土濕生發不遂白花蛇外達筋脈則益其枯燥內行藏府不能去其濕寒非善品也庸工習用諸方標本皆背無益於病而徒殺生靈甚無益也讀柳子厚捕蛇之篇至可傷矣。

烏梢蛇 味鹹氣平入足厥陰肝經起風癱除疥癩 烏梢

蛇穿筋透絡逐痺驅風治中風麻痺疥癩瘙癢與白花蛇同風癱因風傷衛氣衛氣中鬱營熱外發紅點透露則為疹紅點不透隱於皮裏是為隱疹隱而不發血熱瘀蒸久而肌膚

潰爛則成痂癩。仲景有論及之。而後世不解。用搜風之物。枉害生靈。無補於病。諸如此類。概不足取也。

斑蝥 味辛微寒。入足厥陰肝經。消腫敗毒。利水通淋。 斑

蝥辛寒毒烈。墜胎破積。追毒利水。止癩癧疥。癰疽。瘰癧。下虫毒。開癰淋。點疣痣。消痞癰。解瘋狗傷。用糯米同炒。去斑蝥。用米研細。清油少許。冷水調服。治瘋狗傷。小便利。下毒物。而

瘥。利後腹痛。冷水青靛解之。癩癧。每服一枚。不過七枚。毒從小便出。如粉片血塊。而瘥。宜滑石燈草等引之。使下。

蜈蚣 味辛微溫。入足厥陰肝經。墜胎破積。拔膿消種。 蜈

蜈蚣辛溫毒悍。能化癥消積殺虫。解毒蠱。治瘰癧痔瘻禿瘡便毒。療蛇瘕蛇咬毒瘡。蛇蠱庸工以治驚癇抽掣臍風口噤謬矣。

青魚膽 味苦性寒。入足厥陰肝經。明目去翳消腫退熱。

青魚膽苦寒。泄肝膽風熱。治眼病赤腫翳障嘔吐喉痺涎痰。化魚骨硬噎。治惡瘡。

烏鰂魚 味鹹氣平。入足厥陰肝經。行瘀止血。磨障消癥。

烏賊骨善斂新血而破瘀血。素問治女子血枯月事衰少。不來以烏賊骨蔞茹爲末。丸以雀卵。血枯必由血脫。血脫之原

緣痰滯不流。經脈莫容。烏賊骨行痰固脫。兼善其長。故能著
奇功。其諸治效。止吐衄崩帶。磨翳障癥瘕。療跌打傷。火淚眼。
雀目重舌。鷺口喉痺耳聾。縮瘦消腫。拔疔敗毒。斂瘡燥膿。化
髓止齁。收陰囊濕痒。除小便血淋。上品也。

鮫甲 味辛鹹。氣平。入足陽明胃。足厥陰肝經。透絡洞骨。達
筋。鮫甲通經脈。下乳汁。透筋骨。逐風濕。止疼痛。除麻痺。消
腫毒。排膿血。療癰疽痔瘻。癩癧疥癬。乳吹乳岩。陰痿便毒。疔
耳火眼。蟻瘦鼠瘡。至於癱瘓。喎斜。緩急拘攣。未必能也。而引
達木榮筋之藥。斬關深入。直透拳曲拘攣之處。則莫過此病。

在上下左右依其方位取甲炒焦研細亦名穿山甲。

鯉魚 味甘性溫入足太陰脾手太陽小腸足太陽膀胱經

降氣止欬利水消腫。 鯉魚利水下氣治欬嗽喘促水腫黃

疸冷氣寒瘕泄利反胃胎動乳閉燒灰醋和敷一切腫毒常
食鼻口發熱助肺火。

鯽魚 味甘性溫入足太陰脾足太陽膀胱足厥陰肝經補

土培中利水敗毒。 鯽魚補土益脾溫中開胃治消渴水腫

下利便血噎膈反胃骨疽腸癰疔痔禿瘡塗諸瘡久不差。

玉楸藥解卷七

昌邑黃元御坤載著

人部

胎衣 味鹹氣平入足厥陰肝經補虛傷益氣血 胎衣治
男女虛勞說起丹溪胎姪化生賴夫精氣不關衣胞成人胎
衣枯槁精氣無存此珠玉之蚌璞無用者耳而下士庸工以
此治虛勞愚矣其所妄作河車大造諸丸用地黃黃柏龜板
天冬泄火伐陽辭人近鬼禍世戕生毒流千古尤可恨也
人中白 味鹹性寒入手少陰心足太陽膀胱經清心泄火

涼血止衄。人中白鹹寒泄火治鼻衄口瘡牙疳喉痺之症
卽人溺澄清白濁下凝者庸工以法晒煉而爲秋石妄作各
種丹丸泄火伐陽以夭人命甚可惡也。

人中黃性寒入手少陰心足少陽膽經清瘟疫止熱狂。

人中黃寒涼泄火治溫熱誕狂卽糞清也名黃龍湯庸工習
用不效。

乳汁味甘性涼入手太陰肺足太陰脾足厥陰肝經清肺
除煩滋肝潤燥。乳汁以肝血化於肺氣卽朱汞變爲白金。

養育嬰兒滋生氣血全賴乎此。內傷虛勞爲小兒熱吮極佳。

非尋常草木所能及也。一離人身。溫氣稍減。但存冷汁。其質寒滑滋潤。絕無補益。血得氣化。溫變爲肅。煖服不熱。冷飲則涼。潤肺滋肝。是其長耳。抑陰扶陽。非所能也。至於酥酪之類。冷食寒飲。極損中氣。惟塞外西方之民。脾胃溫燥。乃爲相宜。陽虧土濕。切當遠之。噎膈濕旺之病。朱丹溪以爲燥症。而用乳酪滋濕。敗土其死甚速。點眼病甚良。解食牛肉毒。

玉楸藥解卷七終

玉楸藥解卷八

昌邑黃元御坤載著

雜類部

紫梢花 味甘性溫。入足少陰腎。足厥陰肝經。起痿壯陽。煖
腎秘精。紫梢花溫煖肝腎。強筋起痿。治遺精白濁。陰癢囊
濕冷帶之症。

玉簪根 味辛性寒。入足少陰腎經。化骨落牙。斷產消癰。
玉簪根辛寒透骨。能落牙齒。化骨鯁。絕胎妊。散腫毒。研塗一
切癰腫。作湯不可。着牙最能損齒。

鳳仙子。味苦微溫。入足少陰腎經。軟堅化骨。消癖落牙。
鳳仙子其性最急。能化骨鯁。落牙齒。催生。消癖塊。與玉簪
根性略同。而迅烈過之。作油以少許滴蟬上殼立碎。崩落釜
中。

錦地羅 味苦氣平。入手少陰心經。消腫解毒。兼解瘡癘。

錦地羅 治瘡氣癘毒。一切飲食諸毒。生研酒服。塗抹皆效。

墓田回 氣平。入足少陰腎經。除崩止帶。斂血秘精。墓田

回治崩中帶下。收斂疏泄。

萹實 味甘性寒。入手陽明大腸。足太陽膀胱。足厥陰肝經。

去翳明目。殺疣清風。莧實清利肺肝。治青盲瞽目白翳黑

花。疏木殺虫。滑腸利水。通利大小二便。

經水 味鹹氣平。入手太陰肺。足太陰脾。足厥陰肝經。退疽

去黃。止血消腫。經水清熱去濕。治熱病勞復。女勞黃。疸癰

疽濕癢。虎狼咬藥箭諸傷。俗子以為紅鉛製煉服餌。愚謬不通。

雞冠 味苦微涼。入足厥陰肝經。清風退熱。止衄歛營。雞

冠花。止九竅失血。吐血崩漏淋痢諸血。皆止。並治帶淋之症。

花與子同功。

粟殼 味鹹性瀼微寒。入手太陰肺。手陽明大腸經。收肺歛

腸止欬斷利。罌粟殼酸澹收斂。治咳嗽泄利肺逆腸滑之

病。初病忌服。當與行鬱泄濕之藥並用。乃可。並治遺精。

鴉片煙

味酸澹微溫。入手陽明大腸。足少陰腎經。斂腸止

泄。保腎秘精。鴉片煙收澹斂固。治泄利脫肛。精滑夢遺。本

草謂鴉片。卽罌粟花未開。針刺青苞。津出刮收。陰乾而成。名

阿芙蓉。今洋船販賣關中。無賴之徒。以及不肖子弟。官宦長

隨優娼等。以爲服之添筋力。長精神。御淫女。抱變童。十倍尋

常。但不永年耳。斷宜戒之。

玉楸藥解卷八終

